



BUDŽET ZA GRAĐANE

institucija Bosne i Hercegovine
i međunarodnih obaveza Bosne i Hercegovine



2024

BUDŽET ZA GRAĐANE

Nadležnosti institucija
Pravni okvir
Budžetski kalendar i budžetski proces
Makroekonomske projekcije i predviđanja

PRIHODI

RASHODI

Rashodi po COFOG klasifikaciji
Institucije Bosne i Hercegovine i
iznos njihovog budžeta
Najveći korisnici budžeta

BUDŽETSKI RJEČNIK

PITANJA, KOMENTARI I SUGESTIJE



BOSNA I HERCEGOVINA
MINISTARSTVO FINANSIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERZEGOVINA
MINISTRY OF FINANCE
AND TREASURY

BUDŽET ZA GRAĐANE

institucija Bosne i Hercegovine
i međunarodnih obaveza Bosne i Hercegovine

Izdavač:

Ministarstvo finansija i trezora Bosne i Hercegovine

Za izdavača:

Ministarstvo finansija i trezora Bosne i Hercegovine

Dizajn i kompjuterska priprema:

Grafički studio „Lik” Banja Luka

Štampa:

GRAFID d.o.o. Banja Luka

Za štampariju:

Branislav Ivanković

SADRŽAJ

Uvodna riječ ministra	5
Budžet za građane	6
Nadležnosti institucija Bosne i Hercegovine	8
Pravni okvir	8
Budžetski kalendar i budžetski proces	9
Makroekonomske projekcije i predviđanja	10
Prihodi	12
Rashodi	14
Rashodi po COFOG klasifikaciji	15
Institucije Bosne i Hercegovine i iznos njihovog budžeta za 2024. godinu	16
Najveći korisnici budžeta	20
Budžetski rječnik	32
Pitanja, komentari i sugestije	33





Poštovani građani i građanke,

Ministarstvo finansija i trezora BiH nastavlja aktivnosti u cilju unaprjeđenja budžetske transparentnosti koja uključuje pripremu i objavu budžeta za građane. U skladu sa navedenim, pripremljena je publikacija „Budžet za građane institucija BiH i međunarodnih obaveza BiH za 2024. godinu“, kao ilustrirani vodič koji na jasan i jednostavan način prikazuje kako se prikuplja i troši novac iz Budžeta institucija BiH i međunarodnih obaveza BiH.

Želja nam je da nastavkom ove aktivnosti postanemo još otvoreniji i odgovorniji prema građanima po pitanju planiranja, upravljanja i korištenja finansijskih sredstava institucija BiH.

Svrha ovog dokumenta je da javnosti omogući bolji uvid i razumijevanje načina na koji institucije na državnom nivou planiraju, raspoređuju i troše javna sredstva iz budžeta. Imajući u vidu da novac koji dolazi u budžet potiče od poreskih obveznika, naša je obaveza da njime raspoložemo u najboljem interesu svih građana Bosne i Hercegovine te da predstavimo jasne i razumljive podatke o izvorima prikupljenog novca i njegovom trošenju.

Dokument je namijenjen svim osobama koje žele da budu obaviještene o planovima pojedinih institucija BiH, kao i svima onima koji žele da prate trošenje novca pri realizovanju postavljenih ciljeva.

Budžet za građane za 2024. godinu uključuje skraćeni osvrt na budžete još pet institucija BiH (u prethodnim publikacijama bili su uključeni budžeti drugih institucija) sa ciljem dodatnog upoznavanja javnosti sa nadležnostima institucija BiH.

Iskreno se nadam da će ovaj dokument pružiti odgovore na ključna pitanja u vezi sa Budžetom institucija BiH i međunarodnih obaveza BiH, ali i potaknuti što veći broj aktera da iznesu svoja mišljenja i sugestije koje će biti osnova za pripremu Budžeta za građane u narednom periodu.

Otvoreni smo za značajnije učešće građana/građanki u budžetskom procesu u pripremi budućih dokumenata „Budžet za građane“ i pored ustavnih ograničenja u strukturi budžeta institucija BiH. Želimo kreirati pristupačniji i razumljiviji budžet, jer je i to jedna od polaznih pretpostavki unaprjeđenja upravljanja javnim finansijama.

Radujemo se saradnji u narednom periodu.

Srdačan pozdrav,

MINISTAR

Dr Srdan Amidžić



Novac kojim raspolažu institucije vlasti na svim nivoima u svojim **budžetima** je novac građana. Prihodi vlasti dolaze od građana kroz poreze i plaćanje raznih taksi i naknada. Pored ovoga, prihodi dolaze od **koncesija** za iskorištavanje resursa koji su dio zajedničke baštine pa pripadaju svim građanima. Čak i kada prihodi dolaze od kredita, građani su ti koji će ih morati otplatiti na kraju. Institucije vlasti su odgovorne za sredstva u okviru budžeta te odlučuju u ime građana o raspodjeli prikupljenih sredstava za različite namjene.

Imajući u vidu da je budžet i odraz **javnih politika**, jasno je zbog čega u zemljama s razvijenom demokratskom kulturom postoji značajan interes javnosti za brojna pitanja koja se tiču budžeta. Građani žele znati i odlučivati o tome kako će se trošiti njihov novac. Pri tom je osnovni preduvjet za sudjelovanje građana u procesu odlučivanja o budžetu njihova informiranost. U skladu s tim, zadatak organa vlasti je da osigura javnost rada i pruži informacije o svim bitnim pitanjima u procesu kreiranja, usvajanja i izvršavanja budžeta.

Budžet za građane je dokument koji sažima i pojašnjava osnovne informacije iz budžeta. To je izvještaj, predstavljen u pristupačnom formatu, koji koristi jednostavan i jasan jezik koji građani mogu razumjeti. Ako su u stanju razumjeti, građani onda mogu ostvarivati svoja građanska prava u demokratiji – oni mogu postavljati pitanja koja osiguravaju da vlast objašnjava ono što radi u njihovo ime.



Budžet

akt kojim se predviđaju svi prihodi i rashodi u jednoj godini.

Koncesija

dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika

plan ili smjer djelovanja institucija vlasti.

Budžet za građane

pojednostavljen i ilustriran prikaz određenih dijelova zvaničnog Budžeta.

Nadležnosti institucija Bosne i Hercegovine

Prema Članu III **Ustava** Bosne i Hercegovine, sljedeći poslovi su u nadležnosti institucija Bosne i Hercegovine:

- a) Vanjska politika,
- b) Vanjskotrgovinska politika,
- c) Carinska politika,
- d) Monetarna politika,
- e) Finansiranje institucija i međunarodnih obaveza Bosne i Hercegovine,
- f) Politika i reguliranje pitanja useljavanja, izbjeglica i azila,
- g) Provođenje međunarodnih i međuentitetskih kaznenopravnih propisa, uključujući i odnose s Interpolom,
- h) Uspostava i funkcioniranje zajedničkih i međunarodnih komunikacijskih sredstava,
- i) Reguliranje međuentitetskog transporta,
- j) Kontrola zračnog saobraćaja.

Ustavom je, u istom članu, predviđeno da sve vladine funkcije i ovlaštenja koje nisu Ustavom izričito dodijeljene institucijama Bosne i Hercegovine pripadaju entitetima. Istovremeno, Bosna i Hercegovina može preuzeti nadležnost u onim stvarima u kojima se o tome postigne saglasnost entiteta; stvarima koje su predviđene u Aneksima 5-8. Općeg okvirnog sporazuma; ili koje su potrebne za očuvanje suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine, u skladu sa podjelom nadležnosti među institucijama Bosne i Hercegovine. Za obavljanje ovih nadležnosti, prema potrebi mogu biti uspostavljene dodatne institucije.

Trenutno, u Bosni i Hercegovini postoji 75 budžetskih korisnika odnosno različitih institucija (ministarstava, agencija, regulatornih tijela, pravosudnih institucija i slično) koje su direktni korisnici Budžeta institucija Bosne i Hercegovine i međunarodnih obaveza Bosne i Hercegovine.

Pravni okvir

Zakon o finansiranju institucija Bosne i Hercegovine je zakon kojim se uređuje priprema, donošenje, izvršenje, računovodstvo, izvještavanje i nadzor Budžeta Bosne i Hercegovine. Prema ovom zakonu, Budžet predstavlja akt Parlamentarne skupštine Bosne i Hercegovine kojim se utvrđuje plan finansijskih aktivnosti budžetskih korisnika, koji obuhvata projekciju iznosa prihoda i utvrđenog iznosa rashoda za period od jedne fiskalne godine. Ovim budžetom također je utvrđena gornja granica cjelokupnog duga Bosne i Hercegovine, uključujući i postojeći dug i projekciju novog duga za datu fiskalnu godinu. Također su definirani i budžetski korisnici, a to su sve institucije Bosne i Hercegovine i svi ostali organi koji se finansiraju iz budžeta, kao i regulatorna tijela.

Ministarstvo finansija i trezora Bosne i Hercegovine je nadležno za pripremu budžeta, izvršenje budžeta i finansiranje budžetskih institucija, koordinaciju aktivnosti kako bi se osigurala budžetska sredstva i investicije javnih sredstava te obavlja ostale aktivnosti u oblasti finansiranja budžetskih korisnika u skladu sa Ustavom i zakonom.

Ustav

osnovni pravni akt neke države kojim se uspostavlja politički i pravni poredak.

Budžetski korisnik

institucije i svi ostali organi koji se finansiraju iz budžeta.

Budžetski kalendar i budžetski proces

Budžetski kalendar je propisan Zakonom o finansiranju institucija Bosne i Hercegovine i njime se definiraju aktivnosti koje su bitne u vezi s pripremom i donošenjem Budžeta. Tako je definirana vremenska dinamika i odgovornost pojedinačnih institucija u vezi s pripremom donošenja zvaničnog Budžeta.

Budžetski proces se zasniva na propisanim aktivnostima svih učesnika u procesu pripreme i usvajanja Budžeta institucija Bosne i Hercegovine i međunarodnih obaveza Bosne i Hercegovine, te izvršenja, izvještavanja i kontrole.

Budžetski proces započinje u januaru kada Ministarstvo finansija i trezora do 31. u mjesecu svim budžetskim korisnicima dostavlja budžetsku instrukciju s budžetskim kalendarom za pripremu **Dokumenta okvirnog budžeta (DOB)**.

Budžetski proces

proces koji obuhvata pripremu i usvajanje budžeta, njegovo izvršavanje, izvještavanje i kontrolu.

Dokument okvirnog budžeta (DOB)

projekcija trogodišnjih prihoda i rashoda odnosno srednjoročna projekcija budžeta.



Makroekonomske projekcije i predviđanja

U sljedećoj tabeli date su procjena i projekcije makroekonomskih indikatora BiH za period od 2020. do 2026. godine, koje je u septembru 2023. godine pripremila Direkcija za ekonomsko planiranje Vijeća ministara Bosne i Hercegovine.

Nakon pandemijske godine, koju je obilježila svjetska zdravstvena i ekonomska kriza, Bosna i Hercegovina je u 2021. godini zabilježila snažan oporavak ekonomskog rasta sa stopom rasta BDP-a preko 7%.

INDIKATORI	ZVANIČNI PODACI	PROJEKCIJE				
	2021	2022	2023	2024	2025	2026
Nominalni BDP u mil. KM	40.031	45.518	48.462	51.170	53.956	56.932
Nominalni rast u %	12,5	13,7	6,5	5,6	5,4	5,5
BDP deflator (prethodna godina = 100)	104,9	109,5	104,4	102,6	102,4	102,1
Realni BDP u mil. KM (prethodna godina = 100)	38.144	41.560	46.421	49.853	52.697	55.776
Realni rast u %	7,2	3,8	2,0	2,9	3,0	3,4
Inflacija mjerena indeksom potrošačkih cijena u %	2	14	6,2	3,1	2,2	1,9
Potrošnja u mil. KM	34.259	39.284	41.618	43.255	44.741	46.249
Realni rast u %	3,8	1,8	0,9	1,4	1,2	1,3
Vladina potrošnja u mil. KM	7.595	8.513	8.939	9.296	9.575	9.843
Realni rast u %	2,9	1,3	1,2	1,5	1,0	0,7
Privatna potrošnja u mil. KM	26.665	30.771	32.679	33.958	35.165	36.405
Realni rast u %	4,0	1,9	0,8	1,4	1,3	1,5
Investicije (bruto) u stalna sredstva u mil. KM	8.399	10.081	10.656	11.229	12.083	13.023
Realni rast u %	5,1	0,3	0,7	3,5	5,7	6,3
Vladine investicije u mil. KM	1.193	1.356	1.451	1.610	1.771	1.948
Realni rast u %	-31,5	-5,0	1,9	7,8	6,8	7,7
Privatne investicije u mil. KM	7.206	8.725	9.205	9.619	10.312	11.075
Realni rast u %	15,3	1,2	0,5	2,9	5,5	6,0
Uvoz u mil. KM	21.104	28.230	29.648	31.762	34.133	37.025
Nominalni rast u %	26,8	33,8	5,0	7,1	7,5	8,5
Realni rast u %	20,6	6,2	1,1	5,7	6,0	5,9
Izvoz u mil. KM	16.665	21.954	23.133	25.527	28.228	31.421
Nominalni rast u %	38,7	31,7	5,4	10,4	10,6	11,3
Realni rast u %	24,6	12,0	2,3	8,4	8,5	8,1
Nacionalna bruto štednja u % BDP-a	23,5	23,3	23,3	24,0	25,0	25,8
Bilans tekućeg računa u mil. KM	-923	-2.045	-2.071	-1.873	-1.632	-1.573
Rast u %	-17,9	121,5	1,3	-9,6	-12,9	-3,6
Bilans tekućeg računa u % BDP-a	-2,3	-4,5	-4,3	-3,7	-3,0	-2,8

Statistički podaci BHAS-a za 2022. godinu pokazuju da je uprkos izazovima (sukob u Ukrajini, inflacija, usporavanje globalnog rasta), Bosna i Hercegovina ostvarila relativno snažan rast BDP-a od 3,8% (Agencija za statistiku Bosne i Hercegovine, Saopštenje, „Bruto domaći proizvod, rashodni pristup“, 26.08.2023. godine).

Procjene međunarodnih institucija, poput DG ECFIN (European Commission, „DG ECFIN, „European Economic Forecast“ Summer 2023, September 2023), i domaćih statističkih podataka ukazuju na očekivani ekonomski rast Bosne i Hercegovine od oko 2% u 2023. godini prema DEP-u.

Struktura predviđenog rasta ukazuje na ključnu ulogu domaće tražnje, posebno kroz očekivano povećanje finalne potrošnje.

Iako eksterne dinamike igraju ključnu ulogu u ekonomskim kretanjima Bosne i Hercegovine, posebno u 2024. godini, institucionalni kapacitet zemlje za provođenje strukturalnih reformi će biti važan faktor u oblikovanju ekonomske perspektive od 2024. do 2026. godine.

Prema posljednjim projekcijama DG ECFIN-a, očekuje se slabljenje inflatornih pritisaka sa stopom inflacije od 3,2% te postepena stabilizacija ekonomskog rasta na oko 1,5%. U navedenom trogodišnjem periodu, očekuje se prosječna godišnja stopa ekonomske ekspanzije od oko 3%, s ključnim poticajima rasta kroz povećanje privatne potrošnje i investicija. Ako se ima u vidu da bi tokom ovog perioda projicirana stopa ekonomskog rasta bila viša u odnosu na rast javne potrošnje, udio iste u BDP-u bi se djelimično smanjio, na oko 17,3% na kraju 2026. godine.

Makroekonomija

oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Nominalni BDP

predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP

predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Ekonomski rast

podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede usljed rasta radne snage, kapitalnih dobara te unapređenja tehnologije i produktivnosti.

Bruto domaći proizvod (BDP)

makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija

predstavlja povećanje općeg nivoa cijena u odnosu na vrijednost novca.

Vladina/javna potrošnja

(Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju.
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

Vanjskotrgovinska razmjena

predstavlja sveukupnu razmjenu roba i usluga jedne zemlje s inostranstvom (uvoz i izvoz roba i usluga).

Prihodi, primici i finansiranje

Prihodi budžeta institucija BiH planirani su na osnovi Globalnog okvira fiskalnog bilansa i politika u Bosni i Hercegovini za period 2024-2026. godina.

Osnovni prihod u okviru Budžeta institucija Bosne i Hercegovine i međunarodnih obaveza Bosne i Hercegovine za 2024. godinu odnosi se na porezni prihod odnosno prihode s Jedinstvenog računa Uprave za indirektno oporezivanje Bosne i Hercegovine (1.020.500.000 KM).

Ostali prihodi i podrška za finansiranje institucija Bosne i Hercegovine odnose se na neporezne prihode (248.015.000 KM), te transfere od drugih nivoa vlasti (759.000 KM).

Finansiranje obuhvata preneseni višak sredstava iz prethodnih godina (73.833.000 KM) te preneseni višak sredstava iz 2023. godine u skladu sa članom 9. Zakona o budžetu institucija Bosne i Hercegovine i međunarodnih obaveza Bosne (11.000.000 KM).

Primici obuhvataju primitke od sukcesije (717.000 KM) i primitke od prodaje stalnih sredstava (576.000 KM).

Na kraju, treba dodati da prihodi Budžeta institucija Bosne i Hercegovine i međunarodnih obaveza Bosne i Hercegovine uključuju i prihode za servisiranje vanjskog duga u iznosu 1.430.733.053 KM, a odnose se na izmirenje obaveza institucija Bosne i Hercegovine, entiteta i Brčko distrikta.

Stalna imovina

dio imovine koji će ostati nepromijenjen, tj. zadržati isti javni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Transferi od drugih nivoa vlasti

novčana sredstva koja viši ili niži nivoi vlasti doznačavaju u budžet s ciljem realizacije pojedinih programa i/ili funkcija.

2.786.133.053 KM

UKUPNI PRIHODI, FINANSIRANJE I
PRIMICI ZA FINANSIRANJE INSTITUCIJA
BiH I PRIHODI ZA SERVISIRANJE
MEĐUNARODNIH OBAVEZA BiH

86.126.000 KM

OSTALO
FINANSIRANJE I PRIMICI




1.269.274.000 KM

PRIHODI I PODRŠKE ZA
FINANSIRANJE INSTITUCIJA
BOSNE I HERCEGOVINE

1.430.733.053 KM

PRIHODI ZA
FINANSIRANJE VANJSKOG
DUGA BOSNE I HERCEGOVINE

Preneseni višak sredstava iz 2023. godine u skladu sa članom 9. Zakona o budžetu institucija BiH i međunarodnih obaveza BiH za 2024. godinu **11.000.000 KM**



Neporezni prihodi	
248.015.000 KM	
Prihodi od administrativnih taksi	16.905.000
Prihodi od sudskih taksi	453.000
Prihodi od posebnih naknada i taksi	65.134.000
Prihodi od taksi u postupku indirektnog oporezivanja	30.969.000
Prihodi od ličnih i putnih dokumenata i registracije vozila u Bosni i Hercegovini	49.381.000
Prihodi od finansijskih javnih institucija i nefinansijskih javnih preduzeća	64.567.000
Prihodi od kamata i kursnih razlika	900.000
Prihodi od novčanih kazni	7.520.000
Vlastiti prihodi	7.750.000
Ostali prihodi	4.436.000

RASHODI


**Rashodi po COFOG klasifikaciji
Institucije Bosne i Hercegovine i
iznos njihovog budžeta za 2024. godinu**

Najveći korisnici budžeta

COFOG klasifikacija

Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.





Opće javne usluge **1.909.021.053 KM**



Parlamentarna skupština Bosne i Hercegovine	24.080.000
Predsjedništvo Bosne i Hercegovine	10.560.000
Generalni sekretarijat Vijeća ministara Bosne i Hercegovine	7.212.000
Direkcija za evropske integracije Bosne i Hercegovine	5.841.000
Ministarstvo vanjskih poslova Bosne i Hercegovine	67.409.000
Ministarstvo komunikacija i prometa Bosne i Hercegovine	6.695.000
Ministarstvo finansija i trezora Bosne i Hercegovine	11.674.000
Uprava za indirektno oporezivanje Bosne i Hercegovine	178.440.000
Ministarstvo pravde Bosne i Hercegovine	4.006.000
Ministarstvo sigurnosti Bosne i Hercegovine	119.000
Ministarstvo civilnih poslova Bosne i Hercegovine	12.358.000
Agencija za identifikacione dokumente, evidenciju i razmjenu podataka Bosne i Hercegovine	39.794.000
Služba za zajedničke poslove institucija Bosne i Hercegovine	26.104.000
Ured za reviziju institucija Bosne i Hercegovine	5.980.000
Centralna izborna komisija Bosne i Hercegovine	15.877.000
Agencija za državnu službu Bosne i Hercegovine	2.197.000
Agencija za statistiku Bosne i Hercegovine	6.782.000
Arhiv Bosne i Hercegovine	1.003.000
Fond za povratak Bosne i Hercegovine	574.000
Odbor državne službe za žalbe Bosne i Hercegovine	520.000
Ured za zakonodavstvo Bosne i Hercegovine	1.002.000
Agencija za javne nabavke Bosne i Hercegovine	1.567.000
Ured za razmatranje žalbi Bosne i Hercegovine	3.155.000
Institut za nestala lica Bosne i Hercegovine	3.407.000
Direkcija za ekonomsko planiranje Bosne i Hercegovine	1.463.000
Ured koordinatora za reformu javne uprave Bosne i Hercegovine	1.861.000
Agencija za zaštitu ličnih podataka u Bosni i Hercegovini	1.578.000
Centralna harmonizacijska jedinica Ministarstva finansija i trezora Bosne i Hercegovine	892.000
Agencija za prevenciju korupcije i koordinaciju borbe protiv korupcije Bosne i Hercegovine	1.993.000
Direktni transferi i rezerviranje	34.145.000
Servisiranje vanjskog duga	1.430.733.053

Obrana **390.502.000 KM**

Ministarstvo odbrane Bosne i Hercegovine	390.502.000
--	-------------

Javni red i sigurnost **371.449.000 KM**

Visoko sudsko i tužilačko vijeće Bosne i Hercegovine	9.024.000
Ustavni sud Bosne i Hercegovine	9.624.000
Sud Bosne i Hercegovine	21.750.000
Tužilaštvo Bosne i Hercegovine	20.708.000
Pravobranilaštvo Bosne i Hercegovine	1.469.000
Institucija ombudsmena za ljudska prava Bosne i Hercegovine	3.556.000
Zavod za izvršenje krivičnih sankcija, pritvora i drugih mjera Bosne i Hercegovine	16.000.000
Ministarstvo pravde Bosne i Hercegovine	8.133.000
Ministarstvo sigurnosti Bosne i Hercegovine	11.765.000
Državna agencija za istrage i zaštitu	45.079.000
Granična policija Bosne i Hercegovine	102.821.000
Obavještajno sigurnosna agencija Bosne i Hercegovine	49.436.000
Služba za poslove sa strancima Bosne i Hercegovine	18.238.000
Agencija za policijsku podršku Bosne i Hercegovine	1.932.000
Agencija za forenzička ispitivanja i vještačenja Bosne i Hercegovine	2.163.000
Agencija za školovanje i stručno usavršavanje kadrova Bosne i Hercegovine	3.571.000
Direkcija za koordinaciju policijskih tijela Bosne i Hercegovine	46.180.000

Ekonomske poslove 72.635.000 KM



Ministarstvo vanjske trgovine i ekonomskih odnosa Bosne i Hercegovine	13.069.000
Agencija za promociju inostranih ulaganja u Bosni i Hercegovini	1.762.000
Ured za veterinarstvo Bosne i Hercegovine	10.648.000
Konkurencijsko vijeće Bosne i Hercegovine	1.726.000
Ministarstvo komunikacija i prometa Bosne i Hercegovine	10.684.000
Direkcija za civilno vazduhoplovstvo Bosne i Hercegovine	5.286.000
Regulatorna agencija za komunikacije Bosne i Hercegovine	7.808.000
Institut za standardizaciju Bosne i Hercegovine	1.866.000
Institut za mjeriteljstvo Bosne i Hercegovine	3.641.000
Institut za intelektualno vlasništvo Bosne i Hercegovine	2.176.000
Institut za akreditiranje Bosne i Hercegovine	1.657.000
Uprava Bosne i Hercegovine za zaštitu zdravlja bilja	2.735.000
Agencija za nadzor nad tržištem Bosne i Hercegovine	1.161.000
Agencija za sigurnost hrane Bosne i Hercegovine	2.169.000
Agencija za rad i zapošljavanje Bosne i Hercegovine	1.582.000
Ured za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine	736.000
Komisija za koncesije Bosne i Hercegovine	1.193.000
Agencija za osiguranje u Bosni i Hercegovini	633.000
Institucija ombudsmana za zaštitu potrošača u Bosni i Hercegovini	532.000
Agencija za poštanski promet Bosne i Hercegovine	968.000
Vijeće za državnu pomoć Bosne i Hercegovine	603.000

Zaštita životne sredine 9.118.000 KM



Centar za uklanjanje mina u Bosni i Hercegovini	7.806.000
Državna regulatorna agencija za radijacijsku i nuklearnu sigurnost u Bosni i Hercegovini	1.312.000

Zdravstvo **8.498.000 KM**



Agencija za lijekove i medicinska sredstva Bosne i Hercegovine	8.498.000
--	------------------

Rekreacija, kultura i religija **9.880.000 KM**



Memorijalni centar Srebrenica - Potočari Spomen obilježje i mezarje za žrtve genocida iz 1995.godine	1.447.000
Regulatorna agencija za komunikacije Bosne i Hercegovine	4.392.000
Ministarstvo civilnih poslova Bosne i Hercegovine	1.373.000
Komisija za očuvanje nacionalnih spomenika	1.798.000
Agencija za antidoping kontrolu Bosne i Hercegovine	870.000

Obrazovanje **3.660.000 KM**



Agencija za razvoj visokog obrazovanja i osiguranje kvaliteta Bosne i Hercegovine	1.136.000
Agencija za predškolsko, osnovno i srednje obrazovanje Bosne i Hercegovine	1.456.000
Centar za informisanje i priznavanje dokumenata iz oblasti visokog obrazovanja u Bosni i Hercegovini	1.068.000


Socijalna zaštita **11.370.000 KM**




Ministarstvo za ljudska prava i izbjeglice Bosne i Hercegovine	11.370.000
--	-------------------

Najveći korisnici budžeta institucija Bosne i Hercegovine

Uvidom u ukupne rashode institucija Bosne i Hercegovine, **evidentno je da se na 12 budžetskih korisnika odnosi 1.012.303.000 KM, što čini 75% rashoda budžeta institucija** Bosne i Hercegovine (bez izdvajanja sredstava za finansiranje vanjskog duga).





NAZIV BUDŽETSKOG KORISNIKA	BUDŽET ZA 2024. GODINU
01 Ministarstvo odbrane Bosne i Hercegovine	390.502.000
02 Uprava za indirektno oporezivanje Bosne i Hercegovine	178.440.000
03 Granična policija Bosne i Hercegovine	102.821.000
04 Ministarstvo vanjskih poslova Bosne i Hercegovine	67.409.000
05 Obavještajno-sigurnosna agencija Bosne i Hercegovine	49.436.000
06 Direkcija za koordinaciju policijskih tijela Bosne i Hercegovine	46.180.000
07 Državna agencija za istrage i zaštitu	45.079.000
08 Agencija za identifikacijske dokumente, evidenciju i razmjenu podataka Bosne i Hercegovine	39.794.000
09 Služba za zajedničke poslove institucija Bosne i Hercegovine	26.104.000
10 Parlamentarna skupština Bosne i Hercegovine	24.080.000
11 Sud Bosne i Hercegovine	21.750.000
12 Tužilaštvo Bosne i Hercegovine	20.708.000
UKUPNO	1.012.303.000


Iz navedenog se može jasno vidjeti da se najviše sredstava iz Budžeta institucija Bosne i Hercegovine izdvaja za sektor odbrane te javnog reda i sigurnosti.

U narednom dijelu ćemo predstaviti rashode pet institucija Bosne i Hercegovine: Ministarstva vanjske trgovine i ekonomskih odnosa, Agencije za antidoping kontrolu, Agencije za državnu službu, Instituta za standardizaciju i Ureda koordinatora za reformu javne uprave.

UDIO PLAĆA I NAKNADA ZA ZAPOSLENE KOD NAJVEĆIH BUDŽETSKIH KORISNIKA


Jednako kako smo govorili u dijelu s ukupnim rashodima, u okviru ovih 12 institucija najviše se budžetskih sredstava izdvaja za plaće i naknade, imajući u vidu veliki broj zaposlenih osoba u navedenim institucijama.

Ostali rashodi u okviru navedenih institucija odnose se na izdatke u vezi s potrebama za njihovo nesmetano funkcioniranje, uključujući i po nekoliko kapitalnih projekata, što će biti detaljnije predstavljeno u dijelu koji se odnosi na pojedine institucije.





Uprava za indirektno oporezivanje
178.440.000 KM



BROJ ZAPOSLENIH **2.641**


UČEŠĆE U UKUPNOM BROJU ZAPOSLENIH
BUDŽETSKIH KORISNIKA **11%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA
PLAĆA BUDŽETSKIH KORISNIKA **11%**

BRUTO PLAĆE I NAKNADE
TROŠKOVA ZAPOSLENIH
103.521.000 KM



Pravosudne institucije
61.106.000 KM



BROJ ZAPOSLENIH **729**


UČEŠĆE U UKUPNOM BROJU ZAPOSLENIH
BUDŽETSKIH KORISNIKA **3%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA
PLAĆA BUDŽETSKIH KORISNIKA **5%**

BRUTO PLAĆE I NAKNADE
TROŠKOVA ZAPOSLENIH
52.488.000 KM



Ministarstva osim Ministarstva odbrane
158.655.000 KM




BROJ ZAPOSLENIH **1691**


UČEŠĆE U UKUPNOM BROJU ZAPOSLENIH
BUDŽETSKIH KORISNIKA **7%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA
PLAĆA BUDŽETSKIH KORISNIKA **10%**

BRUTO PLAĆE I NAKNADE
TROŠKOVA ZAPOSLENIH
99.349.000 KM



Ostale institucije
289.036.000 KM



BROJ ZAPOSLENIH **3766**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **16%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA
PLAĆA BUDŽETSKIH KORISNIKA **17%**

BRUTO PLAĆE I NAKNADE
TROŠKOVA ZAPOSLENIH
167.707.000 KM



MINISTARSTVO VANJSKE TRGOVINE I EKONOMSKIH ODNOSA BOSNE I HERCEGOVINE

I ZAKONSKI OSNOV

Ministarstvo vanjske trgovine i ekonomskih odnosa Bosne i Hercegovine osnovano je 1996. godine, sa sjedištem u Sarajevu. Nadležnosti Ministarstva vanjske trgovine i ekonomskih odnosa Bosne i Hercegovine propisane su članom 9. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 87/17).

Ministarstvo vanjske trgovine i ekonomskih odnosa nadležno je za:

- vanjskotrgovinsku politiku i carinsko-tarifnu politiku BiH;
- pripremanje ugovora, sporazuma i drugih akata iz oblasti ekonomskih odnosa i trgovine sa drugim državama;
- pripremanje bilateralnih i multilateralnih sporazuma i drugih akata vezano za obnovu i rekonstrukciju BiH;
- odnose sa međunarodnim organizacijama i institucijama iz oblasti vanjske trgovine i ekonomskih odnosa;
- pripremu i izradu makroekonomskih odnosno strateških dokumenata iz oblasti ekonomskih odnosa;
- poslovno okruženje, jedinstven ekonomski prostor;
- razvoj i promociju preduzetništva;
- kontrolu prometa roba i usluga koji imaju poseban režim u prometu odnosno u izvozu i uvozu;
- zaštitu potrošača;
- konkurenciju;
- koordinaciju međunarodne ekonomske pomoći BiH izuzev dijela koji se odnosi na pomoć Evropske unije;
- veterinarstvo.

Ministarstvo je nadležno i za obavljanje poslova i zadataka iz nadležnosti BiH koji se odnose na definiranje politike, osnovnih principa, koordiniranje djelatnosti i usklađivanje planova entitetskih tijela vlasti i institucija na međunarodnom planu u područjima:

- poljoprivrede;
- energetike;
- zaštite okoline, razvoja i korištenja prirodnih resursa;
- turizma.


U sastavu ovog Ministarstva kao upravna organizacija je Ured za veterinarstvo BiH, Uprava BiH za zaštitu zdravlja bilja i Ured za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine.

II MISIJA

Razvoj i provođenje vanjskotrgovinske i carinsko-tarifne politike Bosne i Hercegovine, unapređenje sistema infrastrukture kvaliteta, efikasnija regulacija tržišta u svrhu osiguranja slobodnog kretanja roba i usluga i tržišne fer konkurencije, osiguranje jedinstvenog ekonomskog prostora i koordiniranje aktivnosti na polju poljoprivrede, energetike, zaštite okoline, razvoja i korištenja prirodnih resursa i turizma.

III STRUKTURA RASHODA


Budžet Ministarstva vanjske trgovine i ekonomskih odnosa Bosne i Hercegovine za 2024. godinu iznosi 13.069.000 KM sa sljedećom strukturom rashoda:



1. Tekući izdaci ukupno	10,524,000 KM
1.1. Tekući izdaci neposredna potrošnja	9.842.400 KM
1.2. Program posebne namjene (PPN) Trgovska gora	500.000 KM
1.3. Kabinet zamjenika predsjedavajućeg VMBIH (PPN)	181.600KM
2. Tekući grantovi	900.000 KM
3. Kapitalni izdaci	1.645.000 KM

TEKUĆI IZDACI sa programima posebne namjene (PPN)

Bruto plaće i naknade	7.803.000 KM
Naknade troškova zaposlenih i skupštinskih zastupnika	1.203.000 KM
Putni troškovi	400.000 KM
Izdaci telefonskih i poštanskih usluga	72.000 KM
Nabavka materijala	50.000 KM
Izdaci za usluge prevoza i goriva	60.000 KM
Iznajmljivanje imovine i opreme	1.000 KM
Izdaci za tekuće održavanje	160.000 KM
Izdaci osiguranja i bankarskih usluga i usluga platnog prometa	15.000 KM
Ugovorene i druge posebne usluge	760.000 KM




TEKUĆI IZDACI neposredna potrošnja (bez PPN)

Bruto plaće i naknade	7.680.000 KM
Naknade troškova zaposlenih i skupštinskih zastupnika	1.196.400 KM
Putni troškovi	350.000 KM
Izdaci telefonskih i poštanskih usluga	70.000 KM
Nabavka materijala	50.000 KM
Izdaci za usluge prevoza i goriva	60.000 KM
Iznajmljivanje imovine i opreme	1.000 KM
Izdaci za tekuće održavanje	160.000 KM
Izdaci osiguranja i bankarskih usluga i usluga platnog prometa	15.000 KM
Ugovorene i druge posebne usluge	260.000 KM




30.000 KM



KAPITALNI IZDACI

Nabavka opreme
Nabavka stalnih sredstava u obliku prava
Rekonstrukcija i investiciono održavanje



TEKUĆI GRANTOVI

Grant sredstava za podršku sajamskih i drugih manifestacija i aktivnosti u zemlji
Grant sredstava za podršku sajamskih i drugih manifestacija i aktivnosti u inostranstvu



AGENCIJA ZA ANTIDOPING KONTROLU (ADABiH) 870.000 KM


I ZAKONSKI OSNOV

Agencija za antidoping kontrolu Bosne i Hercegovine (u daljem tekstu: ADABiH) osnovana je Zakonom o sportu u Bosni Hercegovini ("Službeni glasnik BiH" broj 27/08) kao samostalna upravna organizacija za praćenje i provođenje međunarodnih konvencija protiv dopinga u sportu u Bosni i Hercegovini, a sa radom je počela krajem 2009. godine.

ADABiH obavlja sljedeće poslove:

- a) sistematski prati i koordinira aktivnosti protiv dopinga u sportu,
- b) predlaže i provodi mjere protiv dopinga u sportu,
- c) odgovorna je za primjenu konvencija, kodeksa WADA-e i pravila Međunarodnog olimpijskog komiteta, Međunarodnog paraolimpijskog komiteta i međunarodnih sportskih saveza,
- d) rukovodi pripremama i procedurama za donošenje zakona kojima se uređuje ova oblast.

Organizacija ADABiH prikazana je na sljedećoj šemi:



II MISIJA I VIZIJA

Misija ADABiH je da uspostavi djelotvoran sistem antidoping prevencije, edukacije i kontrole primjenjujući međunarodne konvencije, Svjetski antidoping Kodeks, pravila Međunarodnog olimpijskog komiteta, Međunarodnog paraolimpijskog komiteta, međunarodnih sportskih saveza u cilju zaštite zdravlja sportista i sprječavanja varanja u sportu.

Vizija ADABiH je da putem antidoping aktivnosti stvori uslove za siguran, zdrav i pošten sport u Bosni i Hercegovini.

III STRUKTURA RASHODA

Budžet ADABiH za 2024. godinu iznosi **870.000 KM**.
Struktura rashoda, prema ekonomskim kategorijama i izvorima finansiranja:



TEKUĆI IZDACI 794.000 KM

- Bruto plaće i naknade troškova zaposlenih **470.000 KM**
- Izdaci za materijal i usluge **324.000 KM**

KAPITALNI IZDACI 76.000 KM

- Nabavka opreme (budžet) **66.000 KM**
- Nabavka opreme (primici od prodaje stalnih sredstava) **10.000 KM**

Budžetom za 2024. godinu ADABiH je odobreno devet (9) zaposlenih.



ADABiH realizira aktivnosti u okviru programa “Prevenција i sprečavanje dopinga u sportu”, kroz programsku aktivnost „Obavljanje doping kontrola u skladu sa pozitivnim propisima [preventivne (edukacija) i kontrolne aktivnosti].

Realizacija programa prati se putem indikatora odnosno pokazatelja ishoda “broj sportova u kojima se obavlja doping kontrola” dok se realizacija programske aktivnosti prati putem dva pokazatelja ishoda:

- broj obavljenih doping kontrola;
- broj kampanja usmjerenih prema različitim ciljnim grupama (edukativne aktivnosti).



AGENCIJA ZA DRŽAVNU SLUŽBU BOSNE I HERCEGOVINE 2.197.000 KM


I ZAKONSKI OSNOV

Agencija za državnu službu Bosne i Hercegovine (u daljem tekstu: Agencija) je osnovana članom 62. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 26/04, 37/04, 48/05, 2/06, 32/07, 43/09, 8/10, 40/12 i 93/17), a zvanično je počela sa radom u februaru 2003. godine.

U skladu sa Zakonom o državnoj službi u institucijama Bosne i Hercegovine Agencija je nadležna da:

- a) osigura realizaciju procesa zapošljavanja državnih službenika na zahtjev institucija;
- b) pomaže institucijama u realizaciji njihove kadrovske politike, organizacionog razvoja kao i pri uspostavljanju jedinstvenog informacionog sistema za upravljanje ljudskim resursima u institucijama Bosne i Hercegovine;
- c) osigurava obuku i razvoj državne službe;
- d) obavlja i druge poslove i zadatke utvrđene Zakonom o državnoj službi u institucijama Bosne i Hercegovine.

Organizacija ADSBiH prikazana je na sljedećoj šemi:



II MISIJA I VIZIJA

Misija ADS BiH je da realizira proces zapošljavanja i stručnog usavršavanja državnih službenika te da pomaže u upravljanju ljudskim potencijalima institucija BiH radi efikasnijeg, profesionalnijeg i ekonomičnijeg obavljanja poslova iz domena državne službe.

Vizija ADSBiH - moderna državna služba koja posluje u skladu sa najvišim standardima.

III STRUKTURA RASHODA

Budžet ADSBiH za 2024. godinu iznosi **2.197.000 KM**.

Struktura rashoda, prema ekonomskim kategorijama i izvorima finansiranja:



TEKUĆI IZDACI 1.832.000 KM

- Bruto plaće i naknade troškova zaposlenih **1.334.000 KM**
- Izdaci za materijal i usluge **498.000 KM**

KAPITALNI IZDACI 365.000 KM

- Nabavka opreme (budžet) **365.000 KM**

Budžetom za 2024. godinu ADSBiH je odobreno dvadeset devet (29) zaposlenih.



ADSBiH realizira aktivnosti u okviru programa “Zapošljavanje, stručno usavršavanje i zaštita prava državnih službenika”, kroz programske aktivnosti:

1. Provođenje konkursnih procedura, obuka i zaštita prava državnih službenika
2. Redizajn informacionog sistema Registra zaposlenih u institucijama BiH
3. Strateško upravljanje i administracija

Realizacija programa prati se putem dva indikatora, odnosno pokazatelja ishoda “Broj postavljениh državnih službenika u odnosu na broj upražnjenih pozicija dostavljenih u zahtjevima za oglašavanje radnih mjesta od strane institucija BiH i Stepen zadovoljstva korisnika obuka koje pruža Agencija”, dok se realizacija programskih aktivnosti prati putem sljedećih pokazatelja ishoda:

1. Provođenje konkursnih procedura, obuka i zaštita prava državnih službenika	Broj završenih konkursnih procedura u odnosu na broj zaprimljenih zahtjeva za oglašavanje
	Broj realiziranih obuka u odnosu na plan
	Broj riješenih predmeta po zahtjevima za ostvarivanje prava i odgovornosti
2. Redizajn informacionog sistema Registra zaposlenih u institucijama BiH	Realizacije redizajna informacionog sistema Registra zaposlenih u institucijama BiH
3. Strateško upravljanje i administracija	Broj planskih i izvještajnih dokumenata



INSTITUT ZA STANDARDIZACIJU BOSNE I HERCEGOVINE

I ZAKONSKI OSNOV

Institut za standardizaciju Bosne i Hercegovine (ISBIH) je naučno-stručna institucija za standardizaciju Bosne i Hercegovine uspostavljena prema Zakonu o osnivanju Instituta za standardizaciju BiH („Službeni glasnik BiH”, br.44/04) i Zakonu o standardizaciji BiH („Službeni glasnik BiH”, br.19/01), zadužena za razvoj standarda i donošenje BAS standarda, u skladu sa ciljevima i principima na kojima se temelji standardizacija u Bosni i Hercegovini.

ISBIH je nadležan da:

- u području standardizacije: predlaže strategiju standardizacije u Bosni i Hercegovini, priprema i izdaje BAS standarde, predstavlja i zastupa Bosnu i Hercegovinu u evropskim i međunarodnim organizacijama za standardizaciju te obavlja poslove koji proizilaze iz međunarodnih sporazuma i članstva u tim organizacijama, učestvuje u pripremanju tehničkih propisa, razvija informacijski sistem o standardima i drugim srodnim dokumentima, proglašava standarde BiH (BAS), organizira i sprovodi specijalističko obrazovanje kadrova u području standardizacije, bavi se izdavačko – publicističkom djelatnošću iz područja standardizacije.
- u području ocjenjivanja usaglašenosti: učestvuje u uspostavljanju i održavanju sistema sertifikacije i homologacije u skladu sa evropskim modelom, zastupa Bosnu i Hercegovinu u evropskim i međunarodnim organizacijama za ocjenjivanje usaglašenosti i organizira obrazovanje iz područja ocjenjivanja usaglašenosti.

II MISIJA I VIZIJA

Misija ISBIH-a

Voditi, održavati i kontinuirano poboljšavati sistem standardizacije u BiH, zastupajući interese svih zainteresiranih strana u oblasti standardizacije, poštujući zahtjeve i preporuke evropskih i međunarodnih organizacija za standardizaciju.

Vizija ISBIH-a

Biti međunarodno, regionalno i institucija za standardizaciju prepoznatljiva u Bosni i Hercegovini koja će se svojim stručnim i profesionalnim radom punopravno uključiti u evropski i globalni posao standardizacije.


III STRUKTURA RASHODA

Budžetom za 2024. godinu ISBIH-u je odobreno 40 zaposlenih. Budžet ISBIH-a za 2024. godinu iznosi **1.866.000 KM**, sa sljedećom strukturom rashoda:

1. TEKUĆI IZDACI 1.817.000 KM

- Bruto plaće i naknade troškova zaposlenih **1.622.000 KM**
- Izdaci za materijal i usluge **195.000 KM**

2. KAPITALNI IZDACI 49.000 KM





URED KOORDINATORA ZA REFORMU JAVNE UPRAVE

Ured koordinatora za reformu javne uprave u BiH nastao je kao odgovor na potrebe građana za efikasnošću i odgovornijom javnom upravom na svim nivoima vlasti, sposobnom za preuzimanje obaveza u procesu eurointegracija BiH.


Njegova uloga je da koordinira reformske aktivnosti između Vijeća ministara, entitetskih i Vlade Brčko distrikta, blisko surađujući sa Delegacijom Evropske komisije u BiH.

Ured koordinira, usmjerava i prati reformu javne uprave, kako bi njena unaprijeđena organizaciona struktura uz primjenu najbolje evropske prakse bila sposobna da provede cjelokupan proces eurointegracija BiH i postane dijelom evropskog administrativnog prostora.

Ured koordinatora za reformu javne uprave ima odgovarajući institucionalni status i razvijene organizacione, kadrovske i materijalno-tehničke kapacitete, ekspertizu i mehanizme koji osiguravaju praćenje i osiguranje održivosti postignutih rezultata te dalju modernizaciju i unapređenje javne uprave u BiH u skladu sa principima evropskog administrativnog prostora i očekivanjima građana, poslovne zajednice i društva u cjelini.

Programska struktura Ureda koordinatora za reformu javne uprave, sa podacima o potrebnim sredstvima po svim programima:

Ekonomski kod	Vrsta rashoda	2024. godina	
		Ukupno	
		1.861.000	100%
6111	Bruto plaće i naknade	1.472.000	79%
6112	Naknade troškova uposlenih	244.000	13%
6131	Putni troškovi	12.000	1%
6132	Izdaci telefonskih usluga	14.000	1%
6133	Izdaci za energiju i komunalne usluge		0%
6134	Nabavka materijala	11.000	1%
6135	Izdaci za usluge prevoza i goriva	16.000	1%
6136	Unajmljivanje imovine i opreme	6.000	0%
6137	Izdaci za tekuće održavanje	17.000	1%
6138	Izdaci osiguranja i bankarskih usluga	4.000	0%
6139	Ugovorene usluge	55.000	3%
8213	Nabavka opreme	10.000	1%



BUDŽETSKI RJEČNIK



Budžet - akt kojim se predviđaju svi prihodi i rashodi u jednoj godini.

Koncesija - dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika - plan ili smjer djelovanja institucija vlasti.

Budžet za građane - pojednostavljen i ilustriran prikaz određenih dijelova zvaničnog Budžeta.

Ustav - osnovni pravni akt neke države kojim se uspostavlja politički i pravni poredak.

Budžetski korisnik - institucije i svi ostali organi koji se finansiraju iz budžeta.

Dokument okvirnog budžeta (DOB) - projekcija trogodišnjih prihoda i rashoda odnosno srednjoročna projekcija budžeta.

Makroekonomija - oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Nominalni BDP - predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP - predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Ekonomski rast - podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede uslijed rasta radne snage, kapitalnih dobara te unapređenja tehnologije i produktivnosti.

Transferi od drugih nivoa vlasti - novčana sredstva koja viši ili niži nivoi vlasti doznaju u budžet s ciljem realizacije pojedinih programa i/ili funkcija.

Bruto domaći proizvod (BDP) - makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija - predstavlja povećanje općeg nivoa cijena u odnosu na vrijednost novca.

Vladina/javna potrošnja - (Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

COFOG klasifikacija - Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.

Stalna imovina - dio imovine koji će ostati nepromijenjen, tj. zadržati isti pojavni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Ime i prezime

Adresa

E-mail

Organizacija/
Institucija

Pitanja, primjedbe i prijedloge možete napisati na poledini obrasca.

Ime i prezime

Adresa

E-mail

Organizacija/
Institucija

Pitanja, primjedbe i prijedloge možete napisati na poledini obrasca.

PITANJA, KOMENTARI I SUGESTIJE

Poštovani, ako imate pitanje, komentar ili sugestiju u vezi s pripremom i predstavljanjem „Budžeta za građane“, možete iskoristiti pripremljene obrasce, iskinuti ih i poslati poštom na adresu:

Ministarstvo finansija i trezora Bosne i Hercegovine

(Kabinet ministra - Odnosi s javnošću),

Trg Bosne i Hercegovine 1, 71000 Sarajevo.

Pitanja, komentare i sugestije možete poslati i putem elektronske pošte:

trezorbih@mft.gov.ba.

S poštovanjem,

Ministarstvo finansija i trezora Bosne i Hercegovine